

Vuk'uzenzele



Produced by Government Communications (GCIS)

English/Afrikaans

July Edition 2

Stop initiation deaths!




**Cont.
Page 2**



Life-saving drone takes flight

Page 9



Ndlovu Youth Choir inspires the nation

Page 16



ALSO AVAILABLE ON:



@VukuzenzeleNews

Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353

FREE COPY

FREE COPY NOT FOR SALE



Jeugkwessies

Gee hoop aan werklose jeug

'N REGERINGSBASEERDE agentskap wat die taak opgelê is om uitdagings wat die nasie se jeug in die gesig staar aan te pak, bied 'n aantal programme aan wat ten doel het om jongmense 'n kans op sukses te gun.

Silusapho Nyanda

Londiwe Mbatsane, 'n vaardigheidsafriester vir die organisasie sonder winsoogmerk, Grassroot Soccer, kon voordat die Nasionale Jeugontwikkelingsagentskap (NYDA) aan haar 'n lewenslyn gebied het vir meer as twee jaar lank nie werk kry nie.

Die 24-jarige sê dat die NYDA haar in staat gestel het om haar werklose ma te help, deur haar te help om 'n werk te kry.

Nadat Mbatsane by 'n vriend van die NYDA se werkplasingprogram gehoor het, het sy haar CV en matrieksertifikaat per e-pos aan die agentskap gestuur. Dié Hazyview-inwoner sê dat sy haar dokumente in Januarie inge-



■ Londiwe Mbatsane het nou 'n werk, te danke aan die NYDA se Werkplasingprogram.

dien het en dat sy teen einde Februarie by haar nuwe werk begin het.

"Ek het my CV en my matrieksertifikaat ingedien,

maar was bang dat hulle my nie sou bel nie omdat hulle iemand met matriek sou wou hê, en ek bykomende kwalifikasies het," sê sy.

ooo

Sê jeugwerkloosheid die stryd aan

Dale Hes

Die jeuggeoriënteerde organisasie, Lulaway, pak die probleem van jeugwerkloosheid op 'n betekenisvolle manier aan en het reeds indiensnemings- en internskapeleenthede vir meer as 30 000 jeugdiges gefasiliteer.

Lulaway het in noue samewerking met organisasies sonder winsoogmerk, die private sektor en die regering gewerk en meer as 200 werksentrums in al nege provinsies gevestig.

In Bellville bied die Lulaway werkerskorps-ontwikkelingsprojek – wat deur die Stad Kaapstad befonds word – 'n opleidingsprogram aan wat oor drie jaar strek om werksoekers vir die beroeps-

wêreld voor te berei.

Die organisasie het sedert die begin van 2011 al meer as 516 149 jongmense op sy werksoekerdatabasis geregistreer, 5 474 opgelei en 2 968 in permanente poste geplaas, wat wissel van administratiewe posisies tot algemene werk, sekuriteit, verkope, skoonheid en kontaksentrumbestuur.

Beauty Mnxulu (26), wat in die Khayelitsha-township woon, is een van die begunstigdes. Mnxulu het ná vier jaar se gesukkel om werk te kry, by Lulaway se werksgeredheidsprogram aangesluit.

Sy werk nou as 'n Fidelity-werwingsagent.

"Dit was vir my 'n droom wat verwesenlik is selfs toe ek

vir die werksgeredheidsopleiding gegaan het, want die mense wat ons opgelei het, het dit met passie gedoen.

Ek het geweet dat dit my gaan help om 'n werk te kry en kort daarna het ek werk gehad. Ek ontmoet elke dag verskillende mense; mense sukkel om werk te kry maar ek is vasbeslote om te help. As gevolg van dít wat die Lulaway-mense my geleer het, doen ek my werk met passie en ek geniet wat ek doen," sê Mnxulu.

Zikhona Yeko (24), nog 'n Khayelitsha-inwoner, het ook gesukkel om werk te kry, maar sy werk nou as 'n verkoopsagent vir Cell C nadat sy aan die program deelgeneem het.

"Die stryd wat ek beleef het, is deel van my sukses omdat dit

Dit sluit 'n Menslike Hulpbronne-diploma van Stanford International College en 'n Besigheidsbestuursdiploma van Tshwane-Suid se TBOO-kollege in. Geeneen van dié kwalifikasies het haar gehelp om, voor NYDA se ingryping, werk te kry nie.

Die werkplasingprogram het ten doel om geskoolde en ongeskoolde jongmense tot en met die ouderdom van 35 in verbinding te stel met maatskappye wat vakante poste het.

Die program help ook jongmense om die nodige vaardighede te verkry deur sy opleidingsprogram vir werksgeredheid. Dié program lei spesifiek ongeskoolde jeugdiges vir die werksmark op.

"Jongmense behoort die geleentheid te gebruik wat deur die NYDA gebied word," sê

Mbatsane. Die NYDA het verskeie programme wat ten doel het om werksoekers in toepaslike poste te plaas. Dit sluit onder andere die Pearson-werksoekersgeleentheid en die Nasionale Jeugdiensprogram in.

Jongmense wat deel van een van dié programme wil wees, kan hul CV's per e-pos stuur, of persoonlik by 'n NYDA-kantoor indien.

Die agentskap lê dan die werksoekers se besonderhede vas, voordat hulle gepas word met werkgewers wat na spesifieke vaardighede op soek is. ■

Kontak die NYDA deur
0800 52 52 52 te skakel
of deur 'n e-pos aan
info@nyda.gov.za
te stuur.



■ Lulaway het al meer as 30 000 jeugdiges van regoor Suid-Afrika in werks- of internskapeleenthede geplaas.

my sterk gemaak het," sê Yeko.

Die stad se burgemeesterskomiteelid vir ekonomiese geleentheid, James Vos, sê dat die program 'n suksesverhaal is van hoe die uitdagings van werkloosheid oorkom kan word deur saam met vennote te werk. ■

Jeugdiges wat by
Lulaway wil registreer,
kan 'n basiese profiel
by <https://www.lulaway.co.za/register> skep
en dan na die naaste
werksentrum toe gaan
om die werksaansoek en
-assessering te voltooi.